

Ze barri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2004ko ekainaren 4a / 168. zenbakia

Eskoriatzako VIII. Ferixie

Baserritarren eta artisauen
ia 100 postu zapatu goizean
Eskoriatzako kaleetan



Zortzigarren ferian giro paregabea aurreikusten dute antolatzaileek

ZURIÑE VELEZ DE MENDIZABAL

Bihar VIII. Ferixie ospatuko da. Urteroko ekimenez gain, harri-zulatzailen erakustaldiaz gozatzeko aukera egongo da. Gainera, turroia egiten duen eskoriatzar batek hartuko du parte azokan, eta aspaldiko errezeta batean oinarritutako lana aurkeztuko du.

Etxafuego jaurtiketa eginaz hasiko dute VIII. Ferixie. Hala ere, 10:30ean irekiko dituzte kalean egokitutako postuak.

Aurten ere 90 bat postu egongo dira Eskoriatzan: artisauak, baserriko tresneria, baserriarren produktuak eta elikagaiak jarriko dituzte horietan. Eskoriatzar guztiak batera egongo dira bihar.

Hasieran postuen banaketa gaika egiten zuten arren, azken urteotan herritarrek elkarrekin egokitu dituzte euren saltokiak Santa Marina plazan.

Gazteentzako txokoa egokituko dute azokan, haientzako tailer, karaoke eta txorimalo lehiaketa antolatu dituzte, besteak beste. Animaliak ere aurkituko ditu bisitariak biharko azokan. Ez dira ohiko animaliak erakusten Ferixien; nahiko animalia bereziak ekartzen dituzte, eta aurten ere horrelakoak izango dira.

Gainera, aurtengo edizioan harri-zulatzailak ikusteko aukera izango dute Eskoriatzara hurbiltzen direnek. Herriko plazan egingo da gure artean arrotza den kirol horren erakustaldia. Lehiaketa gisa antolatu dute ekimena.



FINANTZAKETA MODUA. Eskoriatzan azken urteetan egiten den azoka hori finantzatzeko, besteak beste, talo-postua jartzen dute urtero.

Beste toki batzuetatik ere jasotzen dute dirua antolatzaileek. Taloak egiten, baina, giro bikainean lan egiteko aukera izaten dute herritarrek.

EGITARAUA

- 09:00** Etxafuego jaurtiketa.
09:30 Txistularien kalejira.
10:30 VIII. Ferixien hasiera: baserriko produktuak, artisautza, abereak eta tresneria egongo dira ikusgai.
11:00-14:00 Umeen txokoak:
 VIII. Txorimalo Lehiaketa (4 eta 99 urte bitartekoendako).
 Euskal Karaokea plazan (2 eta 14 urte bitartekoendako).
 Tailerrak.
12:00 Euskal Herriko harri-zulatzailen lehiaketa eta erakustaldia.
12:30 Sari banaketa.
 Trikitilarien kalejira.
15:00 Herri bazkaria frontoian. Errifaren zozketa.



Aliprox

Ondo ibili guztiok ferixen!

Aranburuzabala 3 • Eskoriatza • Tel.: 943 71 45 46

LENIZ
ESKORIATZA



■ Konponketak: Txapa, Margoa, Mekanika

■ Bigarren eskuko autoen salerosketa, inyektoreen konponketa eta I.A.T aurreko azterketa

ONDO IBILI FERIXEN!

Aingeru ibiltokia 31 • ESKORIATZA • Tel.: 943 71 50 61 • Faxe: 943 71 31 45



AURPEGIAK MARGOTZEN. Ferixien gazteentzako ekintzak antolatzen dituzte, eta horietariko bat aurpegiak margotzea izaten da. Are gehiago, baserritar jantzita ere bat baino gehiago izaten da musua koloreztatzen duena.



BASERRIKO PRODUKTUAK. Baserritarren produktuak izaten dira postu gehienetan, eta Eskoriatzakoak izan daitezten saiatzen dira antolatzaileak. Artisauak ere egongo dira: espartinak eta adarrak jarriko dituzte, esaterako.



OGIBIDEA ZUZENEAN IKUSTEKO AUKERA. Gai askoren erakusleho da biharko Ferixie. Hala ere, ez da erakusketa soila izango: bertan egongo diren zenbaitzuek zuzenean erakutsiko dute euren lana nola egiten den.

ATREBENTZIAEZPADA/ Gustuko duzu Ferixie? Bertan parte hartzen duzu?




JUAN PEREA
Erretiratua



DORLETA ELKOROBARRUTIA
Langilea



AIORA IGARTUA
Langilea



ANTONIO MEDIAVILLA
Erretiratua



PUY GAMBRA
Langilea



NAVAS GARCIA
Erretiratua

Bertako produktuak ikusi eta erosteko aprobetxatzen dut Ferixie. Ohituratzat hartu behar da egun hori, bertako produktuak ezagutzera emateko bidea da eta.

Mendi ibilaldiak egiten hasten gara sasoi honetan, eta ez dut parte hartzeko ohiturarik. Hala ere, horrelako azokak gustuko ditut. Erdi Arokoak, aldiz, ez.

Bai, urtero hartzen dut parte. Goizean goiz irten, postuak ikusi, herri bazkarira joan... Baina gutxi erosten dut, eta inoiz azokan laguntzea egokitu zait.

Asko gustatzen zait Ferixie. Urtero joaten naiz ikustera. Bertako baserrietako produktuei bultzada emateko balio du, eta hori garrantzitsua da.

Ogia saltzera etorri naiz behin baino gehiagotan. Hala ere, aurten ez naiz egongo, lanpetuta nabil eta. Nire ustez, Ferixiek artisau lanak baloratzeko balio du.

Bai, gustuko ditut horrelako ekimenak. Urtero joaten naiz azokara, eta beti erosten dut zerbait. Bide batez, bertako produktuak sustatzeko balio duela uste dut.



ondo ondo
pasau FERIXE
eguna!

ILE APAINDEGIA · LUZATZEAK · MAKILLAJEA · LOOK ALDAKETAK
Aranburuzabala 30 ESKORIATZA 943 71 30 31



PAGALDAi
HARATEGIA-URDAITEGIA

Ondo ibili
ferixen!

Gaztainadui 15 • Tel.: 943 71 51 97 • ESKORIATZA

ELKARRIZKETA

ROSA ELIZBURU/ANTOLATZAILEA

“Herriari garrantzia eman eta herritarrek batzea lortzen duen ekimena da Ferixie”

Z.V.M.

Rosa zortzi urtean aritu da Ferixie antolatzen. Ordu asko kentzen dizkion arren, oso gustura egiten duen lana dela aitortu digu. Azken emaitza ikusteak, hau da, jendea pozik ikusteak, hilabeteko lana konpentsatzen duelako.

Nola hasi zineten herrian Ferixie antolatzen?

Duela zortzi urte ikastolaren 25. urteurrena ospatu genuen, eta herrian azokarik egiten ez zenez, bat antolatzea pentsatu genuen. Aspaldi zegoen ohitura berreskuratu gura genuen, eta herritarrengandik harrera ona izan zuela ikusita, errepikatzea bururatu zitzaigun, gaur egunerà arte.

Azoka berreskuratzearaz gain, badu beste helbururik?

Bai. Herriak izan behar du protagonista, hartara, elizateak presente izatea helburu hartu genuen. Hemengo produktuek dute lehenetasuna, baina bertan aurkitzen ez ditugunak kanpotik ekartzen ditugu. Gainera, herriko hainbat talde irteten dira egun horretan, eta herritarren parte-hartze handia ekarri du horrek.

Jende asko antolatze lanetan.

Jende askok hartzen du parte urtero antolaketan. Iaz, esaterako,



Z.V.M.

“Ikasleek lan txukuna egiten dute azoka egunerako; ardura handia hartzen dute”

“Harri-zulatzailen erakustaldia eta euskal karaokea dira aurtengo berritasunak”

180 lagun aritu ginen. Aurten ere ehun baino gehiago bildu gara. Gurasoak, aitona-amonak, ikasleak, ikasle ohiak... Herriko elkar-teez gain, adin guztietako herritarrei egin diegu laguntzeko dei.

Nola moldatzen zarete lan guztia koordinatzeko?

Hamabost pertsonako talde txiki batek du antolaketa guztiaren ardura. Martxoan hasita, erabakiak hartu eta dena lotzen hasten da. Taldetxo horren lana da gai-

nerako lantaldeen arduradun izatea eta dena kontrolatzea.

Zer da Ferixie eskoriatzarrentzat?

Herri mailan garrantzia duen beste egun bat da, San Pedro edo Euskararen Eguna bezala, esaterako. Herritarrek batzen dituen festa.

Ikasleak lanean aritzen dira.

Bai, nahikoa lan egiten dute egun horretarako. Txikitatik parte hartzeko aukera ematea da gure asmoa. Jolastu, postuak jarri edo begirale lanetan aritzea; betiere, adinaren arabera. Ardura handia hartzen dute, gainera; salmenpostu bat jartzen dutenak, adibidez, bi hilabete lehenago hasten dira guztia prestatzen.


Ze berritasun izango du aurtengo Ferixiek?

Iaz harri-jasotzaileak aritu ziren; aurten Bizkaitik datozen harri-zulatzailak erakustaldia egingo dute, 12:00etan hasita. Bi talde arituko dira, eta horrela, erakusketa hutsean baino gehiago, lehiaketa moduan arituko dira. Harri-zulaketa kirol bezala berreskuratzea da beraiek duten helburua. Bestalde, euskal karaokea antolatu dugu. Herriko plazan izango da, eta bertan parte hartzeko hiru eta 14 urte bitartean eduki behar da. Baserriko tresneria ere erakutsiko da azokan. Aurten, txikiez gain, makina handiak ere egongo dira ikusgai.

**ARRANDEGIAK
J. EGUREN****Arrain freskoa eta izoztua**

Santa Marina 32. Tel.: 943 79 59 06. ARRASATE

Santa Ana 11. Tel.: 943 71 48 61. ESKORIATZA

ONDO IBILI FERIXEN!**NAIRA Taberna**Aranburuzabala 16
Eskoriatza. 943 71 46 71**ONDO IBILI FERIXEN!**



Auto-ilara luzeak sorrarazi zituzten egubakoitzean saihesbidean egindako protestan.

Lehenengo 'Zazpi elizateen martxa' arrakastatsua

Z.V.M.

Guztira 60 lagun elkartu ziren domeka goizean herriko plazan. Beraien helburua, *Zazpi elizateen martxa*-n parte hartzea. Aurtengo arrakasta ikusita, datorren urtera begira horrelako beste irteera bat egiteko asmoa dute antolatzaileek.

Domekan, *Zazpi elizateen martxa* egin zuten herrian. Lehenengo aldiz egin den ekimena izan da. Helburua zen Mazmela, Zarimutz, Marin, Apotzaga, Gellao, Mendiola eta Bolibar lotzen dituen bideak eta herriaren zati diren elizateok hobeto ezagutzea.

Goizeko 07:30ean elkartu ziren herriko plazan. Antolatzaileek hasieran ez zekiten zehazki zenbat pertsona bilduko ziren bertan. Hala ere, ezustekoa hartu zuten. 60 lagun goizean goiz jaiki eta inguruko bazterrak ezagutzera animatu ziren.

IBILALDI LUZEA

Nahiz eta domekan egin zuen eguraldia ez zen bikaina izan, mendi irteera egiteko mendizale askok gustukoaren duten giroa zegoen. Mendiko botak jantzi, tx-

marra soinean hartu eta ibilaldi luzeari ekin zioten plazan bildutakoek.

Antolatzaileen esanetan, lehen urtea izanda, ez zuten antolaketa handirik prestatu. Hala ere, kartelak egin zituzten, eta horrekin batera, ibilbidea seinaleztatu.

ESKORIATZARRAK BAKARRIK EZ

Elizateetatik igarotzen den ibilbidea ez zuten eskoriatzarrek bakarrik egin. Antolatzaileen esanetan, bailarako beste herri batzuetako jendea egon zen domekako mendi ibilaldi horretan. Bestalde, 60 parte-hartzaileetatik bi, mexikarrak ziren.

Herriko zazpi elizateak lotzen dituen ibilbide luzea ez zuten guztiek aldi berean amaitu. Herrira lehenengo iritsi zen mendizaleak goizean irten eta bost ordura egin zuen sarrera. Azkenak, aldiz, zazpi bat ordu behar izan zituela adierazi dute antolatzaileek.

Herriko mendizale talde horrek antolatutako lehenengo irteera izanda, eta aurtengo jende kopuru handia ikusita, datorren urtean ere mendi irteera bera egiteko asmoa azaldu dute antolatzaileek.

Ibilaldia lehenengo amaitu zuenak bost ordu behar izan zituen herrira iristeko

Bailarako herrietakoak animatu ziren, baita herrian zeuden bi mexikar ere

LABUR

San Pedrotako danborradako entseguak, hasita

San Pedrotan, urtero legez, danborrada egingo dute herriko kaleetan. Hain zuzen ere, martitzen hasi ziren entseguak, eta dagoeneko bi egin dituzte. Izan ere, martitzen eta eguenetan elkartuko dira ekainean zehar parte-hartzaileak pilotalekuan. 21:30ean hasi eta ordubetez danborrak jotzen arituko dira, herriko jaietan soinuak onena ateratzeko asmoz. Izena eman nahi dutenek entseguetara joan eta danborra jotzen hasteko aukera izango dute.

Autobusari eta antzerkiari buruzko oharra

Asteburuan Ferixie egingo da herrian, eta horregatik, gaur 14:00etan hasita eta bihar 16:00ak arte, Gaztainadui kaleko 15 zenbakitik Aranburuzabala kaleko 12 zenbakira bidea itxita egongo dela adierazi dute Udaletik. Zerbitzu guztiek goiko etxeetan egingo dute geralekua.

Bestalde, Axtrokik antolatuta, datorren ekainaren 10ean, Ramon Agirre aktoreak *Zazpi gezur txiki* ikuskizuna ekarriko du Eskoriatzara. Musika, antzerkia eta umorea uztartzen dituen saioa izango da, eta unibertsitatean eskainiko du emanaldia, 19:00etan hasita.

Autobideak kaltetutakoek jarritako alegazioak, aurrera

Z.V.M.

Egubakoitzean protesta ekitaldia egin zuten autobideak kaltetutako hainbat herritarrek. Autoak hartuta Aingeru Gardako biribilunetik Ederlan parera joan-etorriak egin zituzten; auto-ilarak sortuz. Arratsaldean, Donostiara joan ziren Foru Aldundiarekin batzera.

Eibar-Gasteiz autobideak kaltetutakoek elkartekoek protesta ekitaldia egin zuten egubakoitzean. Autoak hartu eta gora eta behera ibili ziren saihesbidean, auto-ilara luzeak sortuz. Arratsaldean, berriz, Donostian izan ziren Foru Aldundiko ordezkariekin biltzeko; Joxe Joan Gonzalez de Txabarri ahaldu nagusirekin, Lopez de Gereñu Landa Garapenerako

eta Jabier Zurriarain Errepideetako diputatuekin, hain zuzen ere. Bileran egon ziren Jabier Villar, Unai Salaberria eta Pedro Lasagabaster, elkartearen izenean.

BAIKORTASUNA NAGUSI

Donostian egon ziren eskoriatzarren esanetan, jarrera positiboa igarri zieten Aldundiko ordezkariak. Izan ere, hiru konpromiso beteko dituztela hitzeman zieten herriko elkartekideei. Behin proiektua onartuta, eskoriatzarrek alegazioetan proposatutako hainbat aldaketa jasoko zutela ziurtatu zieten. Bestetik, proposamenak kaltetuen ordezkariekin batera ikertuko dituztela bermatu zieten. Azkenik, egin behar diren aldaketak desjabetzea gertatu aurretik egiteko konpromisoa hartu zuten Diputaziokoek.

AKEITA

t a b e r n a

Pintxoak eta
ogitartekoak

ZATOZ FERIXARA ETA EGIGUZU BISITA!

TEL.: 943 71 50 94 • Santa Ana 23 • ESKORIATZA



Villar

Ile apaindegia

Ondo ibili Ferixen!

Olazar auzoa 9 • Tel.: 943 71 50 42 • ESKORIATZA

Dorletan esaten dituzte mezak, maiatzean hasi eta urrira arte

Z.V.M.

Maiatzetik urria amaitu arte, mezak herriko parrokiaren esan beharrean Dorletako elizan esango dituzte. Domekero izango da hitzordua, 12:30ean. Horrez gainera, kanpoko jende ugari gerturatzen da uda partean Dorletara; asko eta asko, ezkontzera.

Gatzagako elizan ez dituzte elizkizunak urte guztian zehar egiten. Izan ere, urte erdiz herrian eta beste erdiz Dorletako santutegian esaten dute meza. Maiatzaren 2an Dorletan hasi ziren emanaldiak, eta ordutik hona, elizara joan nahi dutenek bertaraino hurbildu behar dute derrigor.

MEZAK DORLETAN

Herriko elizan ez da mezarik egongo datozen hilabeteetan. Orain, Dorletan esaten dituzte, eta urriaren azken domekara arte bertan esango dituzte.

Gatzagako parrokiara herri-tarrak izaten dira gehien gerturatzen direnak. Hala ere, maiatzetik urrira, kanpotar ugari erakartzen ditu Dorletak. Hori dela eta, jende asko animatzen da domeketako meza entzutera. 12:30ean izaten da hitzordua. Nahiz eta gaur egun lehen baino jende gutxiago joaten den mezetara, Dorletako ikuspegiak fededun asko erakartzen ditu. Hala, ibilaldira egin ondoren, asko elizara sartu eta Martin Mendizabalen ahotik meza entzuten dute.



Dorleta inguratzen duen edertasunak bikote asko erakartzen ditu ezkontzak bertan egiteko.

TURISMO SAILA

Hala ere, asteko meza ez da Dorletako elizan egiten den ospakizun bakarra. Izan ere, jende askok erabakitzen du santutegian ezkontzea. Inguruko paisaiaren edertasunak ezagun egin du Dorleta. Iaz, esaterako, 28 bikote ezkondu ziren bertan, eta aurten ere, kopuru horren bueltan ibiliko direla adie-

razi digute Gatzagatik; 20-30 bitartean izango omen dira.

ARANTZAZUTIK GATZAGARA

Leintz Gatzagan meza esaten duena ez da herrian bizi. Izan ere, azken urteetan Martin Mendizabal frantziskotarra arduratzen da elizkizunaz. Esan bezala, ez da

herrian bizi; Arantzazutik jaitsi eta Gatzagaraino gerturatzen da domekero Mendizabal. Hamabi urte daramatza jada Martinek Gatzagako zeremonia zuzentzen. Hala ere, aurretik beste elizgizon bat, Eskoriatzatik marianista bat joan eta bera arduratzen zen meza gatzagarrei emateaz.

LABUR

Karrantza aldera abiatu dira gaur GURELekoak

Gaur, egubakoitza, joango dira GURELekoak Karrantza aldera, eta domekan egingo dute itzulera. Turtzioz herritxoko Armañon aterpetxean hartuko dute atseden 34 lagunek. Kobazuloak ikusteko asmoa iragarri dute guraso elkarte-koek, eta El Karpin Parke Naturaleko Dinosaurio Animatronikoen Parkera ere gerturatuko omen dira. Eguraldi ona egiten badu, mendi ibilaldia egingo dute, eta Turtzioztik 15 kilometrorara dagoen hondartzara ere bisitatuko omen dute.

Herriko zenbait lagun Iparraldean izan ziren zapatuan


Aurreko zapatuan, maiatzak 29, Gatzagako sei gazte Iparraldera joan ziren. Sarara egin zuten irteera Luis Ezeiza ikastetxean dabilzan ikasleek. Beraien guraso, irakasle eta ikaskideekin egin zuten irteera; guztira 176 pertsona. Guraso eta seme-alabak eskal giroan murgiltzeko balio izan zuen txangoak.

Saran bazkaldu zuten, bertako kobazuloak ikusi zituzten. Ondoren, Larrun mendira igotzeko prestatutako kremaillera-tren berezia hartu, eta 905 metrotara igo ziren. Bertan, gure herrialdeko muga eta edertasunak ikusteko aukera izan zuten.

GATZA-GAIN Jatetxea

BERRIZ ERE ZUREKIN!

943 71 40 05 LEINTZ GATZAGA



AZKOAGA
ESTANKOA


Zure zerbitzura
ESKORIATZA

Zatoz Ferixara!
Ondo ibili danok!

Mendraka
Txakolina

Tel.: 94 682 00 00
ELORRIO

Hurrera zaitezte ferixara eta **ondo pasatu!**

FAGOR 

**ELEKTRATRESNA
TXIKIKO
NEGOZIOA**

Aingerugarda ibilbidea, z/g

Tel.: 943 03 91 00 • 943 71 54 52 (SAT)



Aretxabaleta eta Eskoriatzako

Gremioen Gida



**ALTO DEBA
MARGOAK**

DEKORAZIO PINTURA
PINTURA INDUSTRIALA
FATXADAK

Tel.eta Faxe: 943 71 41 82 Poltsikokoa: 639 37 45 25




**J.SANCHEZ
ITURGINTZA**

- Bainurako gaiak
- Etxe barruko gas instalazioak
- Bainurako altzariak

Basabe poligonoa A - 2 - 10
ARETXABALETAK
Tel.eta faxe: 943 79 69 32 Poltsikokoa: 689 58 79 12

Dintura eta dekorazioa



Gimbert
San Migel 13, behea C
ARETXABALETAK
609 143 119



RADIO
ELECTRICIDAD
LEGAZPIA

"R.E.L.E."

Gotzon Beitia Lazkano

Denda:
Santa Ana 17, Eskoriatza
Tfnoa-Faxe: 943 71 41 65

Tailerra:
Santa Ana 12, Eskoriatza
Tfnoa-Faxe: 943 71 41 12

ESKORIATZA

**AITZORROTZ
elektronika**

- Tebista, audio eta bideo salmenta eta konponketa
- Instalazio elektrikoak
- Atezain automatikoak
- Antena kolektiboak
- Informatika

Aitzorrotz elektronika Tel.: 943 79 16 10
Otalora, 14 ARETXABALETAK

Hnos. SAJERAS, C.B.



Margogintza
Dekorazio eta Industrial

San Pedro, 14 behea ESKORIATZA
Tel.-Faxe: 943 71 47 28
Arrasate Tel.: 943 77 16 66
Poltsikokoa: 608 92 11 18

FRIXI Eraikuntzak

Hormigoizko estruktura,
urbanizazio, kontrata
eta enpresen mantenimenduak

Aranburuzabala 56 ESKORIATZA
Tel. eta faxe: 943 71 55 15 Poltsikokoa: 629 51 39 22



Jon Axpe Oyanguren

**OYANGUREN
Iturgintza**

Aranburuzabala 15
ESKORIATZA
Tel.: 943 71 47 14
606 007 369
f.oyanguren@ctv.es

- Iturgintza
- Gasa
- Berogailuak
- Peetrolio-produktuak
- limatizazioa

L. GONZALEZ

PINTURAK

Pintura orokorra eta enpapelatua

Basabe poligonoa F-6
ARETXABALETAK
686 113 581

ARETXARGI

Modesto ROMEO
Aretxargi@euskalnet.net

BELORRIETA 15, BEHEA 20550 ARETXABALETAK - GIPUZKOA

943 532 628 645 734 032

INSTALAKUNTZA ELEKTRIKOAK




Instalazioen mantenimendu osoa
Berokuntza • Gasa
Aire girotua • Haizeztatzea

Basabe industrialdea B-3. Aretxabaleta.
Tel.: 943 77 19 88. Faxe: 943 79 59 97



ALUMINIOA/P.V.C.a/POLIURETANOAK
ALUMINIOA-EGURRA
PERTSIANAK ETA OSAGAIK



Araba ibilbidea, 17 eta 25
•Tel: 943 79 28 41 •Faxe: 943 79 79 06
•20550 Aretxabaleta (Gipuzkoa)
•E-mail: kurtzebarrilehioak@euskalnet.net



Basabe poligonoa D-2-1
117 posta kutxa
ARETXABALETAK
Telefonia eta faxe:
943 79 78 45
Poltsikokoa:
616 96 57 98

- Barruko zein kanpoko lorezaintza.
- Ureztatze sistemak: automatikoki, eskuz eta tanta-jario bidez.
- Loreontzi-euskarriak, balkonerak, eta abar.

**ARETXABALETAK
ITURGINTZA**

Durana, 16-Tel.: 79 17 53
ARETXABALETAK

**J.J. ITURGINTZA
IRURE**

URA
GASA
KALEFAKZIOA



MITARTE 15
ARETXABALETAK

943 793 187